



荷華山房摘稿卷六

高安陳邦瞻德遠著

友弟呂胤昌玉繩校

七言律詩

冬日登樓有述

歸臥青山歲忽窮登臨惆悵興誰同
前林鳥度寒雲外小閣天冥細雨中
自笑馬卿常善病漫疑殷浩只書空
凭欄莫問行藏事久信浮生似轉蓬

立春日作時自南曹乞假里居

歲月常嗟客裡身，茲辰喜是故園春。
柳條不復傷心碧，花蘂何妨刺眼新。
隨俗杯盤堪薦客，趁時蝦菜正娛親。
獨憐未穩棲遲意，語燕啼鶯解笑人。

寄吳日瞻

歲暮章門雨雪寒，故人何事滯江干。
愁心應傍鄉雲結，客夢還隨過鴈殘。
篋裡干將堪自老，曲中流水爲誰彈。
相思幾度煩招隱，未放扁舟興已闌。

司理張君創建高安名宦鄉賢二祠有述

宮墻配食儼新祠，文獻千秋洵在茲。
楚國先賢如尚俗，時不獨風流存俎豆。
使君三管雅能持，在桐鄉遺愛更興思。
人追杖屨從遊日，邑想絃歌化俗時。

山行至淨樂宮送宮詹敖公未值却至錦江石

橋漫述

春林寒色起朝鴉，路出懸崖雨望賒。
遠水忽迷田上下，輕煙如帶樹橫斜。
馭風更訪真人宅，貫月難逢漢使槎。
最是石梁宜晚眺，江天晴氣欲蒸霞。

獨坐

獨坐空堂萬感侵，春泥何處可登臨。
病來賦少凌雲

氣愁絕詩餘聽雨心最是親年堪懼喜強從世路學
浮沉從今事業休看鏡華髮殷勤爲遶簪

雨

赤日連山黯自收溟濛雨色滿滄州千家籬落涼如
水五月陂塘澹似秋田父暝歸蓑欲舞故人夜聽
相酬無邊時事關心切賴有年豐可破愁

再過梅駙馬宅

王家臺館舊連雲此日空牆對夕曛春盡鶯花疑送
客雨深苔蘚欲成文烏飛石自銀河散鳳去簫誰碧
落聞莫向寒烟愁古木宮中樹色接氤氳

署中獨坐書懷

江上秋風日夜驚客中搖落倍關情千門鴻鴈過雲
影二徑蓬蒿入雨聲官舍似冰差免俗帝城如海得
藏名已疎造請饒高枕多病何妨類馬卿

送徐見可太守之岳陽

牙籤正視尚書草紫綬俄分刺史章久識大名干氣
象其如共理切循良凝香晝靜湖天闊坐嘯風生楚
塞長稍待政成還漢闕莫同汲孺薄淮陽

其二

一代風流屬縉雲登壇握手共論文左符忽送除書
下雄劔還驚斗氣分矯首江湘懷吊古側身天地悵
離羣祇應夢逐高樓月仙笛蒼茫乍可聞

送吳白雪戶部之杭城權稅

越臺秋色接吳封君去憂時感慨重握節載途中謁
者持籌仰屋大司農雪生海徼潮千疊夜靜湖心月
幾峯總是登臨饒異景可能樽酒破愁濃

暮秋同諸公集蔣廟

登臨無處不悲秋選勝還堪逐壯遊雙鋏風塵饒慷慨
一杯身任沈浮空林葉落天疑雨古廟雲寒地
轉幽何限躊躇今古意暫時長嘯倚高丘

送陳爲谷工部捧表入賀

瑤函催捧向文昌玉輦稀聞御總章詞賦誰當驚漢
主風流君不愧田郎霜搖佩劔西山月霧染朝衣御
苑香自是壯遊堪氣色別魂空欲斷河梁

送武陽紆駕部還關西

紫氣關門未渺茫看君西笑興何長天連五時秦城

山房補和 卷六 四
碧日泛諸陵漢樹蒼海內登壇思國士中朝題杜記
仙郎誰憐雲際三峯色彩筆偏留畫省香

壽蕭封君八十

雪山錦水興條然載酒何人問草玄世事總銷龍臥
久主恩曾爲鳳毛偏星從井絡高南極雲向蓬萊擦
上仙此日漢庭須羽翼祝君還賦出山篇

又代

錦城佳氣日氤氳青鳥銜書意正勤三月煙花明劍
樹一樽醴醪對江雲西臺姓字歸丹籙南極星芒動
十文卽看安車馳魯邸由來經術漢廷聞

署中懷曹尊生併寄

湖干秋色似瀟湘歲晏懷人意轉傷黃葉下時山署
冷白雲歸處海天長高城聽角悲殘月江閣看鴻怨
夕陽亦信長卿能傲世未應游倦薄爲郎

太平門曉望

臺城曉色滿湖干宮闕斜連雉堞看霜後淒淒堤草
歇日邊冉冉岫雲寒紫宸縹緲遺仙蹕畫省風流尚
漢官欲賦甘泉慙扈從空將佳氣眺龍蟠

朱諧卿侍御歲暮携酒過敝署同故人宋直夫
夜酌賦宋爲豐城人因有末句

江左風流自昔聞白門冠蓋日爲羣逢驄我欲避桓
典載酒君偏愛子雲醉後星霜忘歲晏語深燈火入
宵分相看各有豐城劍龍氣蒼茫動斗文

元日上 孝陵回署試筆

是日風

火城遙散靄朝暎仙從衣冠擁國門萬戶春光融鎬
洛千年紫氣護陵園漢宮並賜黃金勝魏殿誰開白
獸尊試看雄風來直北浮雲那得更天闌

友人宋直夫言別金陵詩以爲贈

春來爲客倍思家况是河梁別恨賒細草侵煙孤岫
遙輕帆帶雨暮江斜故人湖海衣猶白傲吏風塵鬢
欲華此去定知相憶處寒更短燭話天涯

春日小集靈谷寺值雨欲至梅花塢不果

帝京何處有閑行才入招提境便清空谷忽傳天外
響石林偏動雨中情如聞香雪浮春塢坐對寒煙滿
化城任是山靈能妬客不妨佳興醉縱橫

別伯容

芳草傷心謝眺洲白雲不盡楚天愁故人罷聽對床
雨春水遙歸獨夜舟乘興君輕千里去陸沉吾爲一
官畱細思下澤平生路愧負當年馬少游

寄題望南胡君書舍

君家遙在白雲邊盡道高齋樂事偏春靜花香生檻
底月明帆影落尊前行將馴鶴時相狎坐送冥鴻興
杳然抗跡自來朝市遠不同平子羨歸田

春日同呂蘭谷閔昭宇王衷宇登清涼臺

清涼臺枕石城雄此日登臨感慨同風動花枝頻刺
車煙浮草色欲連空帆檣隱度看流外殿閣斜涵夕
照中誰惜繁華殘玉樹至今遺唱滿江東

燕子磯春望

精藍絕巘對傀俄興至登臨一嘯歌萬樹色搖晴日
曉千帆聲挾海風過天低吳楚連春水地閱梁陳只
故莎欲望長安遙極目不堪直比暮雲多

送南將軍之鎮

海上初聞唱凱歌回中開闔意如何三軍刁斗嚴程
急萬騎風雲出塞多夜靜胡沙連玉帳秋高漢月冷

雕戈懸知獨有封狼志不救長纓係尉佗

牛首山同業思梅陳一之馮士蒙賦

春山一望氣氤氳蒼翠眉間袞轉勤石磴堪窮千里
目香臺疑拂萬重雲蓮花時現諸天座貝葉還探古
洞文莫咲乘閑無半日暫從人世絕埃氛

寄故人虞城劉正所茂才

憶從揮手大河干歷遍關山路轉難雙鋏漫疑千里
合尺書已是十年殘雲連遠樹中原色雪帶賓鴻楚
澤寒壯歲形容今改盡夢中猶作舊時看

送陳懷筠侍御轉官太僕之任

春城冠蓋動河梁侍史迴車指帝鄉門下異才收欲
盡關頭真氣去能長房星暫借天閑色卿月遙通黼
座光共道十年中執法簡花重見肅臺霜

送吳左海吏部之河南督學

河橋春盡有離杯使者談經絳節催吏部文章元命
世中原氣色此登臺濤迴砥柱三門壯雲湧天花二
室開今日吳公門下士逢時豈少洛陽才

代壽李太公

當年鼓篋罷橫經杯酒堪遺世上榮千古風流高白
社萬山真氣擁青城飛霞偏引盧敖杖夜月遙吹子
晉笙况是仙郎能愛日春光長對彩衣明

其二

劍外春生戲彩天丈人元是馭風仙山中叢桂曾招
隱海上靈椿共大年浮世功名雙眼外累朝全盛一
尊前殷勤擬效南山祝萬里鶯花隔綺筵

白門秋思

萬里霜飈拂檻遙白門秋氣感蕭條天圍故苑踈烟
柳月傷寒城帶晚潮鄉信遠隨鴻影斷客魂暗逐鷓
聲消十年小隱成空願青桂飄飄不可招

聞播州捷音志喜

聞道王師久合圍巴雲黔日照戎衣金戈想見旌旗
繞玉帳遙傳露布飛軍令三更環蔡入凱歌六月渡
瀘歸從今火戍刀耕地萬里風生草木威

九江阻雨同宋直夫作

江山秋氣正淒清搖落已堪壯士驚只道登臨悲故
國那知風雨滯孤城五湖空抱陳登氣九辨偏傷宋

玉情見說寒波流漸穩明朝飛渡片帆輕

春興八首

江北江南望不分蒼茫客思轉紛紜他鄉風雨逢寒
食舊國山河對暮雲乳燕啼鶯從上下碧桃丹杏自
芳芬那知此地懷春意不異秋悲楚水濱

其二

薊門當日逐鳴珂正道天家樂事多帳底夜光宮月
曉空中仙曲羽衣過風清花漏遲長樂星澹霓旌拂
絳河自向江湖甘吏隱五雲回首但高歌

其三

白雲西望幾踟躇况是平安信欲踈落日天涯稀
鴈煙波江上渺愁予路迷芳草賒春夢泪逐飛花點
客裾悔學曼容狗薄祿擬從潘嶽賦閑居

其四

遑聞玉几傳天語已有金鷄下夜郎爭道漢廷思淚
黯誰知梁獄困鄒陽楓宸不改浮雲色黍谷難回白
日光却咲憂時無分者悲來雙鬢亦成霜

其五

南國風流事若何可憐春色夢中過豈無院落深啼
鳥儘有煙花散綺羅柳外夕陽游騎遠水邊上巳麗
人多摠緣千古興亡恨愁聽欄街玉樹歌

其六

春水桃花萬里長漢家此日築宣防濁濤欲撼長陵
樹雪稻難輸洛口倉天步誰思成泄泄龍門何計挽
湯湯未須匏子嗟河伯祇願輪臺悔武皇

其七

零落春光細雨前郎潛日月自推遷今同惠子據梧
地醉謝陶公種秫田海上珊瑚堪遠棄蹊頭桃李竟
誰妍君看車馬長安客多少朱門盡戟邊

其八

擁被餘寒戀苦吟非因遊倦嘆浮沉空耽五斗糊吾
口轉覺千秋負此心白日人間蒼狗變春雲方外紫
芝深何當息念捐婚嫁徑入名山訪向禽

九日陪湛虛叔同羣從諸文集于祖龍山時湛
虛初致政廣昌而予以乞假歸也

樽酒雍容煙靄中佳辰偏喜故山同霜邊幽興生巖

菊天外寒心斷塞鴻此日會稽留謝客由來栗里屬
陶公乘高不用悲搖落綠篠丹萸摠未空

舟發章門連日遶回湖上夜坐作此呈際雲七
兄併示兒驂駟

湖上煙波遠豫臺沿湖孤棹重遲回夕陽影帶菰蘆
澹寒水聲生鴈鷺哀燈下殘編兒子課牀頭細語弟
兄杯自憐何事長爲客短鬢繁霜曉夜催

池口舟中

沙岸維舟日又曠客懷愁對楚雲孤誰憐貧病長羈
旅自笑留連似賈胡千里煙波迷宿鴈一天暝色下
寒蕪那堪磊塊平生意賴是鑪頭酒可呼

采石吊李白

誰向江頭問謫仙孤亭迢遞俯江天當年對酒悲今
月千載臨流悵暮煙笙鶴已隨歸洞府雲霞長自滿
青編何人解屈高常侍轉使懷賢涕泫然

冬至前一日齋居

齋居退食靜無譁官舍蕭疎日復斜湖外寒聲回宿
鴈天邊暮色落蒼霞却尋往事情如夢自咲流年鬢

欲華明發高臺愁望遠他鄉雲物摠堪嗟

謝
署中守歲有作是日陳蠡源年丈餽酒因以爲

薄宦天涯久滯淫空齋日晏倍蕭森圖書過眼慙玄
草鄉國縈懷足楚吟守歲欲謀終夜醉開樽偏識故
人心誰知此際狂歌客不信人間有陸沉

壬寅元日試筆

衣冠雲集鳳凰城共道留京北上京到處樓臺迎玉
氣滿衢簫鼓動春聲煙花不改江南麗彩筆長涵畫
省清自咲爲郎淹歲月還如嚴助厭承明

雪後春望

臺城物色動新年御苑離宮霄漢前香霧含風晴不
散輕雲帶雪曉偏妍韶光轉逼青陽麗王氣遙從北
極遠聞道漢庭仙從滿彩毫誰和栢梁篇

雪後陳允修見過同賦

雀散庭空日已曛獨憐清景望中分墻頭孤樹畱殘
雪屋外寒山入白雲多病一官聊玩世故人尊酒得
論文近來問字踈羣少頻到玄亭只有君

人日

人日江城獨望時澹雲寒雪正流姿登高作賦仍爲

客

用韓公城南事

對酒停盃有所思金縷欲傳香閣勝梅

花誰寄草堂詩自憐歲月驚雙鬢漸遣青銅有素絲

初春雨夜書懷二首

少年意氣苦飛揚那信蹉跎四十強玄草世情元尚
白青春吾鬢易成霜漢庭空羨侏儒飽越俗還看章
甫狂自是老懷工作惡更煩夜雨助悲涼

其二

落偏驚歲月增空齋寒色望中凝千門雨雪迷春
榻圖書擁夜燈賦就思玄心轉迫歌來招隱興
蕭疎不知今夕還鄉夢遠度雲山更幾層

書感東省堂寅丈

清時拙宦幾經春長缺羞彈短鬢新世事攸然那足
問生涯咄咄自堪嗔才乖笑我工齊瑟道直憐君積
漢薪獨識歌中金石意不將片刺混風塵

陳彞源年丈入奏先奉太夫人歸里省黯

青雲無意計行藏南北風流盡省郎世路誰能常侮

母壯遊幾度見還鄉綵衣更借閒居色春酒偏從燕
喜香任是除書君不問定知漢主記馮唐

夜坐口占

雪窗燈火夜何其况是愁心正絕時千里庭闈衣上
線百年勲業鬢邊絲久諳世路資誰借浪說名山事
可期澆盡秦醪饒磊塊知心惟有歸來詞

別右華北部

故人起草白雲司京洛風流盛此時陌上青春方欲
舞樽前黃鳥忽成悲離亭芳樹搖晴日遠浦輕帆

曉颺君到舊山休臥穩除書朝夕下彤墀

寄題王彥貽退菴

丈室翛然晝掩關遁棲已是十年閑風塵久謝團蕉
外花月頻移几席間世上鳶肩空自貴天邊鴻翮更
誰攀多君早悟盈虛意却怪柴桑賦倦還

送王衷宇祠部北上

握蘭從向鳳凰臺人道千秋鳳更來畫省雲煙清散
帙名園花雨醉銜杯鍾殘長樂他年夢桃簇玄都幾
度開此去風流驚漢主定知題柱見仙才

贈聶遡源中書聶善丹術世廟時供奉

先朝供奉殿中郎曾把丹經侍玉皇
江海自隨歸夢遠林泉偏與舊盟長
晴雲秀映巖芝色碧靄幽生澗
草香見說鼎間龍虎氣遙從初日射扶桑

春日雨中集朱諧卿侍御水亭卽事二首亭有

蔬圃釣石

別館新開傍翠微多君幽興更無違
何妨亭榭分蔬圃豈必江湖選釣磯
落檻濤聲兼雨色披軒樹色挾雲肥
相看玩世俱方朔可道人間大隱稀

其二

春城風雨阻芳遊獨喜玄亭有勸酬
峭峭倩琅玕藏宿靄潏潏石竇瀉寒流
天國春臺山如幕地剗煙霞逕自幽
爲是卜隣王翰似頻頻杯勺慰羈愁

荷華山房摘稿卷七

高安陳邦瞻德遠著

友弟呂胤昌玉繩校

七言絕句

將東下有作

一臥空山春復秋
忽因詩興動
竒遊扁舟歷盡江山
色更向長安問酒樓

望廬山四首

西來山色滿眉間
春水黏天未可攀
不分驟鸞雲外

客洞簫容易月明還

其二

芙蓉長映大江寒
秀色千秋尚可餐
但使臨風窺石鏡
塵容憔悴若爲看

其三

幾欲尋仙向此峯
白雲那許寄塵蹤
何當洗耳飛泉外
臥聽東林寺裡鐘

其四

此際遙看疑畫裡
昔年曾到是詩中
欲知回首無

意九派長江萬里風

遣興

風高日送千帆落
雨急聲聞萬騎過
廬嶽一登天下

小江南四顧水雲多

旅中邂逅伯容丈旋別憶之

見後相思恨轉深
空船如水夜涼侵
誰知一片關山月
曾照連牀十載心

與伯容丈談佛理不合有詩解圍答此奉嘲

漁洛無煩更問津
年來洙泗亦生塵
漾然一派曹溪

水無限人間喚渡人

其二

丁有尾時翻是巧蛇無足處不爲奇
湏知此話從來久豈是王家叔獨癡

守歲

綠酒青燈夜不眠殷勤語笑好相憐
千門一放鐘聲曉回首茲歡是去年

人日獨坐

柳色梅香欲斷腸不堪人日獨銜觴
自緣貧病疎朋

舊無復新詩到草堂

挽張泌泉判郡四首時乃郎以遺墨索題遂有

末絕

野渡舟橫不見人向來鷗鷺與誰親
錦江亦是桃花水想逐漁郎去問津

其二

解綬歸來不記霜閑中日月洞天長
只今黃石知無恙何處還尋張子房

其三

萬事都消一局棋
客來常掩白雲扉
如今去伴商山老
爲道人閒敵手稀

其四

醉墨曾題賣酒家
遺編更覩數行斜
紫雲閣上除仙吏
何似當年蔡少霞

對酒偶成

踪跡飛蓬更繫匏
空山聊與白雲交
年來頗曉人間事
不學楊雄賦解嘲

其二

拚取家貲作酒貲
衣裘典盡不須疑
獨畱篋裡龍泉劍
待與君王斬郅支

讀楞嚴志感五首

生平不省學參禪
閱罷楞嚴意惘然
頗疑佛性曾無性
莫訝西天別有天

其二

覺海汪洋萬里渾
區區形泡更誰論
若知海泡無分別
更破維摩不二門

其三

萬籟無聲靜九垓
洪鐘一擊便如雷
亦知聞性非銷歇
更問聲從何處來

其四

竹影齊翻大地金
松風都是海潮音
十方處處三摩路
可但如來藏海尋

其五

佛理堪疑亦可嗟
六根未論等空花
試將炊黍看人世
何處盛來不熱沙

再讀楞嚴有感作

時女春遊浥露華
許多穠艷厭堆鴉
歸來忘却香生處
誤認粧臺鏡裡葩

枕上作

秋風吹夢楚江頭
江水迷空一葉舟
醒後不知隱日曙
翻疑月在荻花洲

戲題

暗壁低頭嬾應聲
扶嬌頰怒大慈生
不因萬里遠西夢
那識連枝帳底情

宮詞十首 擬唐人作間雜時事

長樂宵鐘按曉鐘靚粧隊隊玉芙蓉威嚴下遍千門
鎖知住瑤天第幾重

其二

春風澹澹薄窗紗聽得狗兒吠落花試揭珠簾回首
望昭陽日影帶寒鴉

其三

丙夜簫聲咽未央君王方進萬年觴日華移過鴛鴦
瓦誰信朝雲出峽長

其四

獻壽稱觴摠內家杯黃無分拜南衙老璫頗記先朝
事暖閣頻呼學士茶

其五

龜茲部部按新班一送流霞一解顏不爲霓裳天樂
好翻憐細語話人間

其六

驚聞新例說鋪宮怪底金錢少府空試問幾家沾雨
露掖庭處處鎖秋風

其七

的歷珠明照綺羅龍宮顚顚出靈波不緣灑盡鮫人
泪那得寒光甲帳多

其八

聖王虔禮只禁闈祠官將事更無違齋官久自踈龍
輦不用甘泉諷處妃

其九

山山冶雪燭花光日日朱提進尚方歌舞筵中歡意
足誰知不是愛新粧

其十

夜冷莎鷄作意啼角聲墮月鳳樓西六宮到處秋如
水非是羊車別院迷

得從兄信甫計不勝哀感作四詩哭之

萬里書傳事可疑未知真夢意如癡從前悔殺易分
手道是人間生別離

其二

欲賦招魂咽不能蕭蕭客泪自沾膺尋思舊日難忘
處風雨山房共讀燈

其三

楓林落月萬山重想爾孤魂度幾處欲相尋憑遠
夢白雲漠漠鎖寒松

其四

思君無事不堪憐念到孤兒更惘然縱有遺書堪挂
角悲歌恐是上畱田

河間道中追懷俊卿太守五首

燕寢香凝坐正閑忽聞馭鶴向雲間疑君自是神仙
骨一到瀛洲更不還

其二

漢庭正重扶風守萬里催君蜀道回何事政成旋羽
化空傳白馬照燕臺

其三

素旒南飛慘不前傾城香炬結愁煙山中父老還相
送爭向爐頭火大錢

其四

步步回看下鳳城緹油誰復抗前旌至今齋閣清風
滿彷彿猶傳坐嘯聲

其五

生雖死別總愴神芳草池塘空復春莫怪哀歌感行
路曾為康樂夢中人

道上望廬山四首

綰青橫黛碧霄間縹緲丹梯未可攀到得廬山如夢
裡空能夢裡憶廬山

其二

眼看蒼翠白雲封虛度林巒一百重竹寺千秋難覓
影虎溪今夕僅聞鐘

其三

四皓當年只避秦商顏竟別紫芝春不知匡裕何為
者萬古茲山是主人

其四

結廬半世夢魂懸可道誅茅未有緣一派銀河長自
瀉濯塵終自枕流眠

過居巢吊范增二首

鴉聲樹色送黃昏歇馬來投亞父村一笑興亡千古
事俱同玉斗碎鴻門

其二

避世曾經七十年忽聞龍戰起操權當時只向居巢
老四皓商山豈獨賢

月中早發

夢斷關山漏欲殘角聲吹徹落梅寒多情昨夜高樓
月猶爲征人照曉鞍

潯陽公館夜坐

潯陽孤館夜燈斜風雨離人正憶家何似長安遷客
浪空江月色聽琵琶

雨夜宿楓香驛下

風雨淒涼泣路岐故人夜語對愁思預知孤館寒窓
燭應入他年感舊時

潛山道中四絕

連朝急雨盪新秋官道紅塵得少休試問沁河爭渡
處幾人洗耳向寒流

其二

漠漠平田煙水多可憐風日正清和貪看樓畝餘禾
色和得豐年擊壤歌

其三

山光濃淡若爲容
澗谷飛泉響石淙
更是疎林宜晚照
輕煙點點透寒松

其四

到處行吟興不慳
他鄉秋色且開顏
却愁剪燭官亭夜
偏向故人話故山

雨夜同宋直夫茂才談時事

秋氣偏生宋玉悲
不因怨別泪還垂
從來未了官家事
藿食憂虞肉食嬉

其二

話到傷心輒泣然
淒風苦雨夜窓前
一杯強進難成醉
總爲憂深杞國天

道上逢北使進礦金方物四首

如雲北使擁南琛
繞道紅塵驛騎侵
不惜日馳三百里
君王亟欲滿瓊林

其二

五陵年少氣豪誇
結束翩翩學內家
大貝南金收海徼
銀鞍白馬入京華

其三

跨盡炎荒並朔陲萬山寶氣接虹霓始知造物爲爐
意專助官家鑄裏蹄

其四

江山何地不儲胥總入貂璫奉掃除笑殺漢廷桑孔
輩當年只解筭舟車

立春日書懷

自恨天涯歲月遲東風又發故園枝遙憐春酒北堂
上婦子爭先爲勸持

元夜集葉思梅寅長宅醉歸作

醉裡歸來夜色新空齋獨坐轉冰輪回頭却憶少年
事遍逐香車踏軟塵

其二

春酒良宵樂未央幾曾消渴望天漿自從吏隱江湖
遠不羨傳柑帝座傍

宮怨

幾年不奉監宮召今夕仍將玄的施薄命自來踈雨
露秋風蕭颯聽羅帷

書陳山人允修江左琳琅卷四首

山房抄稿 卷七
清時大雅未應孤南國風流更有無不是論詩逢爾
輩那知此道寄江湖

其二

孤齋風雨動銷魂獨坐微吟日又昏却笑當年盧謝
輩長持詩卷傷人門

其三

春城簫鼓幾曾閑車馬紛馳紫陌殷爾自新詩同謝
眺不妨高臥對青山

其四

夕陽欲沒鳥衣巷野水爭流朱雀航六代風流銷不
盡還憑詩卷灑琳琅

戲書

問字何人載酒過夕陽山色獨吟多始知廷尉門前
雀不待官休已可羅

其二

九陌軒車如不聞空廷鳥雀尚堪羣世情若更到毛
羽便合施羅向白雲

湖中問舟子

浪花稠疊擁孤航客思湖天相與長欲問都昌何處
是寒雲漠漠樹蒼蒼

舟次大孤山連日值風沮客懷殊惡賦此自解
三首

扁舟鎮日逗江干可道風波行路難滿目湖山如畫
處推窓好向霧中看

其二

長將書劍傷雲煙何處江山不可憐莫向蓬窗秋夜
永青燈綠酒且留連

其三

客顏頻向醉中開鄉路還從夢裡回祇恐清宵眠未
得北風遙送鴈聲哀

題徐大夫素履圖圖凡十二各爲一絕句

鯉庭一過有餘師束髮傳經早下帷欲識當年攻苦
意短檠風雨夜燈時

其二

藻水侯宮璧沼清曾從羣少聽鸞聲總知無限東南
寶一日爭傳片玉名

其三

鳴鹿歌來氣並雄
同時才子讓詞鋒
大兒魯國孔文
舉小弟雲間陸士龍

其四

突兀黃金萬古臺
漢皇宮闕在蓬萊
五雲佳處爭翹
首更羨君家小鳳才

其五

誰請長纓繫尉佗
使君一檄已投戈
虛傳瘴癘連蠻
徼霜月千山靜凱歌

其六

飛戟巴山跋涉饒
千章雲集壯東朝
侍臣但說天顏
喜長樂鐘聲在碧霄

其七

門下諸生總絕倫
只因水鏡自無塵
市駒獨取千金
駿校獵先收一角麟

其八

題輿南望海雲蟠
更擁戈船靜海瀾
萬疊鯨波長自
寂一池明月夜珠寒

其九

仙仗初嚴王佩趨九霄臚唱徹清都來儀盡是朝陽
鳳爭識徐卿第二雛

其十

盛事長傳通德至璽書重下聖明朝滿床行見旒唐
笏七葉還聞擁漢貂

其十一

西疇春事忽相將短棹巾車春興長更向門前澆五
柳誰言構李異柴桑

其十二

香山洛社風流遠誰向人間識老成此日賓筵看發
酒先生還是古先生

雪中送別

雨雪今年何大頻江南二月尚無春短亭不見新
柳空向天涯別故人

呂玉繩急索詩草陶村梓賦三絕句爲謝

空閨欲出更沉吟自笑當年學捧心任是捲簾徒惜
影憐君一顧已恩深

一枝秋色傷籬黃已是西風歇衆芳不爲幽火能獨
採誰知三逕有寒香

枯桐幾尺蘊宮商曾託寒崖借鳳凰一日清音生麝
尾相知惟有蔡中郎

荷華山房稿跋

予嘗執弟子禮于高安

陳警亭先生以先生爲知己顧迷于世局出處
惘然深媿于先生之所訓植而久之乃辱與先
生弟

匡左游予之欲壯面于匡左猶先生也匡左自
少有盛名嘗于荷華山中獨處即官廷尉數歲


而神情所注夢未始不荷華也匡左不以予為鄙規予者三予未知學匡左曰子胡然而不晰于理也學莫粹于紫陽子能讀紫陽之全書而無厭斁乎斯于理晰矣予未知史匡左曰子胡然而不晰于事也近事莫詳于宋子能概宋史之全而揚扃其故乎斯于事晰矣予又未知詩匡左曰子胡然而憤于詩也詩莫葩于經則

情為之籥矣詩而僅襲于今人所剽以自為詩非詩也詩而僅襲于古人所唾以為詩而自驕于不為今人之詩非詩也子之情安所籥乎子能脫然于今古之所襲而得情之籥乎如得其籥即得其葩斯可與言詩矣蓋予聞匡左之規者三而爽然若自失也匡左官居多暇方剛構宋史又勘定紫陽全書于理境靡所不融即委

以至紛肩以至鉅于事境亦靡所不練而情若
依之于故山者有詩七卷予得而讀之詩不必
荷華而總命曰荷華稿者情所注也匡左旣注
情于茲山而鼓于詩歌其情籥焉鏗有餘音琅
琅乎有異藻焉何其葩也不剽于今不唾于古
無所襲而籥于情匡左之所為籥者其得于荷
華獨處時乎乃予則未得匡左之所為籥也即

鐫刻其詩亦僅得匡左之所為葩也已矣

浙東友弟呂胤昌撰



馬



